



明代傳記叢刊・名人類⑤  
周駿富輯

皇明獻

實

四十卷

(明)袁

袁撰

明文書局印行



皇明獻實

共二十六人

卷第一

徐達

常遇春

李文忠

鄧愈

湯和

沐英

卷第二

劉基

宋濂

李善長

陶安

章溢

卷第三

傅有德

廖永忠

卷第四

卷第五

王禕

孫炎

胡大海

花雲

廖永安

濮真

韓成

張子明

宋訥

朱善

劉崧

董倫

陳瓘

皇明獻寶卷第一

徐達

徐達字天德濠州人也世業農達少有大志剛毅武勇太祖為郭子興部帥達往從之太祖南畧定遠從破元兵於滁州濶從取和州子興授達鎮撫子興執孫德崖德崖軍亦執太祖達挺身詣德崖軍請代太祖乃得歸達渡江拔采石取太平與常遇春皆為軍鋒冠破禽元將陳瑄先別將兵取溧陽溧水太祖身居守命達為大將諸軍攻鎮江城中宴授淮興翼

統軍元帥時張士誠據常州江東叛將陳保二  
以舟師攻鎮江達敗之龍潭遂圍常州士誠遣  
將來援達以敵狡未易力取乃離城設二伏以  
待別遣將王均自督軍戰敵退遇伏大敗獲張  
湯二將進圍常州繼克寧國徇宜興前鋒趙德  
勝下常州擒士誠弟士德復攻宜興太祖自  
將攻婺州命達留守應天趙普勝復池州進攻  
安慶浮山寨破普勝部將於青山遂克潛山還  
鎮池州與遇春設伏敗友諒軍九華山斬首數  
萬生擒三千太祖命達力戰追及之慈湖決

其歸路還守江州召還復命守江州比至友諒  
已先入城中與戰大破之壬寅取豫章進征武  
昌而友諒將康泰以豫章叛還擊禽之癸卯張  
士誠寇我壽春太祖親往救之達為前鋒破  
士誠軍遂圍廬州而友諒復寇豫章詔罷圍  
來救豫章太祖督諸將征友諒師次彭蠡湖  
友諒軍精甚達先驅陷陳俘其軍千五百人友  
諒軍奪氣達還守建康我軍東勝鏖戰克賊友  
諒語在常開平王事中甲辰進右相國武昌平  
略取廬州江陵常德夷陵衡州諸郡乙巳太

祖下令伐張士誠命達攻下淮東泰州丙午克  
高郵淮陰安豐遂拜達為大將軍常遇春為副  
帥師二十萬大破士誠軍吳興皂林禽六萬人  
下湖州進圍姑蘇達軍葑門常遇春軍虎丘郭  
子興非滁陽王又郭子興耳軍婁門華雲龍軍胥門湯和  
軍閶門王弼軍盤門張溫軍西門康茂材軍北  
門耿炳文軍城東北仇成軍城西南何文輝軍  
城西北築長圍困之架木塔與城中浮屠等築  
臺三成曰敵樓下瞰城中上置弓弩火筒軍器  
又置襄陽礮所擊輒碎城中大震丁未達從軍

中上請事 太祖勅勞之曰古者帝王之興必有命世之士以爲輔佐成周伐罪鷹揚奮興矣漢伏羲群策畢舉所以克集大勲肇啓隆祚者也將軍自昔相從忠義出乎天性然且沉毅有謀端重有武故能遏絕亂略消弭群慝建無前之功雖古豪傑之士不能過也今所請事悉欲稟命而行此賢臣事君之道吾甚嘉之然將在外君不御乃古道也自後軍中緩急將軍其從便宜行之姑蘇城破虜張士誠送建康得兵二十五萬師還封信國公賞賜冠諸將拜征虜大

將軍北伐中原 太祖諭諸將曰征伐所以奉  
天命平禍亂安生民故命將出師必在得人諸  
將非不健闘然能持重師有紀律戰勝攻取得  
為將之體者莫如大將軍達宜專主中軍策勵  
群帥運籌決勝不可輕動進克沂州王宣降取  
益都定兗東郡縣下濟南洪武元年 太祖即  
皇帝位進銀青榮祿大夫上柱國錄軍國重事  
中書右丞相信國公兼太子少傅克樂安沂河  
取汴梁李景昌遁去由虎牢關入洛陽攻潼關  
李思齊走鳳翔張思道奔鄜城遂入潼關徇取

華陝鈞許陳汝諸州及諸山寨 太祖幸汴梁  
達還謁行在所渡河取衛輝彰德廣平趙州自  
臨清趨德州取長蘆師次直沽獲元海船作浮  
橋以濟師使副將軍常遇春都督張興祖各帥  
師水陸並進元丞相也達等遁去進克河西務  
通州元順帝及其后妃走漠北遂入元都戮其  
監國淮王帖木兒不花及左丞相慶童平章迭  
兒必失朴賽因不花右丞相張康伯御史中丞  
滿川等虜諸王子六人獲玉印二玉璽一封府  
庫圖籍寶物及諸故宮殿門以兵守之使宦者

護視諸宮人妃主禁士卒毋有所侵暴市不易  
肆雖曹彬之下江南不是過也遣人至京師獻  
平胡表文多不載承 詔置燕山等六衛守北  
平分徇保定中山河間真定懷慶皆下西取晉  
冀澤潞元順帝聞我軍趨關中使擴廓帖木兒  
出鴈門道保安州經居庸關以攻北平達聞之  
與諸將謀曰擴廓率師遠出太原必空虛孫都  
督統六衛之師以鎮北平足禦之矣今棄其不  
備直趨太原傾其巢穴彼進不得戰退無所依  
兵法所謂批亢擣虛者也若彼還救太原進退

失利此成禽耳諸將皆曰善乃引兵徑趨太原  
擴廓帖木兒至保安關之果還軍救太原乃選  
精兵夜襲其營擴廓帖木兒遁去遂克太原得  
兵四萬人馬四萬餘疋屯軍石州崞忻霍絳猗  
氏平陽皆下二年取鹿臺河中關中進克鳳翔  
議師所向諸將皆曰張思道之才不如李思齊  
慶陽易於臨洮宜先由邠州取慶陽然後從隴  
西攻臨洮此萬全之道也達曰不然慶陽城險  
而兵悍未易猝拔臨洮之地西通蕃夷北界河  
湟得之其人足以備戰關其地所出足以共軍

儲今以大軍蹙之思齊不西走胡則束手降矣  
臨洮既克旁郡自下諸將然之進克龍州秦州  
趙鞏昌降元平章梁子中等遣又付將軍馮宗  
異征臨洮李思齊果不戰出降張思道走寧夏  
而使其弟張良臣守慶陽良臣懼而降達西征  
平涼良臣復叛達還督諸將攻慶陽拔之盡定  
陝西地 太祖賞平中原功達功第一賜白金  
五百兩文幣五十襲三年破王保保軍定西取  
興元西平吐蕃略地極西北乃還是冬大封功  
臣授開國輔運推誠宣力特進光祿大夫左柱

國太傅中書右丞相改封魏國公參軍國事食  
祿五千石賜誥命鐵券賜第京師表其里曰大  
功坊五年北征還復命守邊歲鎮北平十七年  
太陰數犯上將 太祖心惡之召達還京師明  
年薨追封中山王謚武寧賜葬鍾山之陰 太  
祖親為製神道碑文命配享 太廟塑像功臣  
廟位皆第一子輝祖襲封魏國公永樂改元以  
功臣子赦不誅壹鬱而卒長女 仁孝皇后次  
代王妃次安王妃

袁泰曰中山武寧王蓋 國之元勳也 高皇

帝起濠滁間創基建康所躬親征討者惟陳氏  
耳餘皆以命將而中山王之功最大削楚平吳  
其次齊魯河洛燕晉秦隴不三四年屢殲元兇  
電掃殘胡雖稟成算賴諸將之力然威敵制勝  
未有能多若此者也又不自矜伐終始遵法守  
禮無少過差豈不謂難乎漢之蕭曹唐之英衛  
方之蔑矣位冠元臣澤流子孫世享爵號與  
國咸休宜乎哉宜乎哉

常遇春

常遇春者濠州懷遠人也勇力絕人初屬劉聚